

## PORÎZ R’TROVER ?

È dès tins k’lès mwins d’ karante ans n’polenut nén conèche, avéve tchèyu d’ zos mès îs l’ sicrijâdje à l’ mwin do sètyin.me lîve da Rabelais.

L’ Épigrame è nn’èstéve :

*Èst-i mwârt Rabelais ? Vêcy co in sicrijâdje,*

*K’nèni, s’mèyeûse paurt à rtrové sès idêyes*

*Po nos fé bistoke d’ iène di sès nichêyes*

*Ki l’ rind à todî Bén vikant maugré lès orâdjes.* (Natûre Kinte.)

I m’chène ki l’ lîve comince à peu près come çoulà :

*“Nostre noble Baneroleu nos minant èt cheruant en toute joyeuseté, arrivâmes en l’ isle désirée, en lakelle estoit l’ oracle de la langue. Descendant Panurge en terre fist un pied la coberole en l’air gaillardement, et dist à Pantagruel :*


*“Aujourd’huy avons nous ce ke cherchons aveckes fatigues et labeurs tant divers.” Puis, se recommanda courtoisement à notre Baneroleu, Icelui nous commanda tous bien esperer, et, kelke chose ki nous apparust, n’estre aucunement effrayez...”*

Maleûreusmint, dj’a pièrdu l’ rèsse. I gn’arève-t-i ène sakî capabe di m’ aspouyî po l’ ritrover èt

mète tote ètûre dins lès pâdjes d’ RABULÈTS l’ bèle fauve ki s’î muchéve ? Dins mès sovances, èle racontéve l’ èwarante istwêre d’on pwârteû d’drapia ki s’avéve sititchî è s’ tièsse k’s’èstéve por li k’ lès djins s’dirindjéve èt rinde lès oneûrs tot clapant dins leûs mwins kan i passéve avou s’banîre flotant au vént. Min.me ki mètéve dsus pîds dès masses di raploûs fou dès bomêyes fiesses èt sayî d’ î fé vnu dès-omes à longs brès. I pinséve arer èt n’fiéve k’ èrer. Kéne afère li djoû ki s’a rindu conte ki s’bokèt d’ drap avéve pièrdu sès bèlès coleûrs à n’ ièsse pus k’ on grigneû linçoû.

Wêre di bounès djins èstîne co à l’ chûre ; èt min.me si sakants lî rchurîne co sès chabots s’n’ èstéve nén vrêmint po sès bias ouy mins pus râde po dès nén fwârts ragostantès vîzêyes.

Kî conèt tote li fauve èt nos è fé profiter ? Dji n’mi sovint pus Bén comint k’èle si finichéve...



On saye di continuer à tot comachî...